

CONVENIO DE COLABORACIÓN ENTRE A CONSELLERÍA DE FACENDA E ADMINISTRACIÓN PÚBLICA, A CONSELLERÍA DE MEDIO AMBIENTE, A FUNDACION REDE DE INNOVACIÓN AROUSA (RIA) E O COLEXIO OFICIAL DE ARQUITECTOS DE GALICIA PARA REALIZAR UNHA INVESTIGACIÓN SOBRE AS CONDICIÓNS ACTUAIS DAS INICIATIVAS PÚBLICAS EN GALICIA EN MATERIA DE PLANIFICACIÓN, CONSERVACIÓN E ORDENACIÓN TERRITORIAL E PROPOSTAS DE FUTURO PARA UNHA ORDENACIÓN E PLANIFICACIÓN SOSTIBLE EN GALICIA.

No lugar e data indicados no pé de páxina da sinatura dixital

REUNIDOS

Por unha banda, don Miguel Corgos López-Prado, en nome e representación da Consellería de Facenda e Administración Pública (CFAP), actuando no exercicio do seu cargo, en virtude do Decreto 60/2022, do 15 de maio (DOG nº 94, do 16 de maio), e en función das atribucións que lle confire o artigo 34.10 da Lei 1/1983, do 22 de febreiro, reguladora da Xunta e da súa presidencia.

Doutra, dona Ángeles Vázquez Mejuto, en representación da Consellería de Medio Ambiente, Territorio e Vivenda (CMATV), actuando no exercicio do seu cargo, en virtude do Decreto 60/2022, do 15 de maio (DOG núm. 94 do 16 de maio), e en función das atribucións que lle confire o artigo 34.10 da Lei 1/1983, do 22 de febreiro, reguladora da Xunta e da súa presidencia.

Doutra, dona Elena Ampudia Aixendri, en representación do Colexio Oficial de Arquitectos de Galicia, en virtude da súa condición de decana-presidenta, elixida nas eleccións estatutarias do 27 de maio de 2020, actuando en virtude das facultades representativas que lle atribúe o artigo 38 a) dos estatutos do Colexio Oficial de Arquitectos de Galicia, aprobados polo Decreto 105/2016, do 21 de xuño (DOG nº 153, do 12 de agosto).

Doutra, sir David Chipperfield, con NIE X4525459W en representación da Fundación Rede de Innovación Arousa (RIA), en virtude da súa condición de fundador e presidente.

EXPOÑEN

Primeiro.- As administracións públicas no exercicio das súas competencias poden subscribir convenios de colaboración con outras administracións ou entes de dereito público e con persoas físicas ou xurídicas suxeitas ao dereito privado, ao abeiro do

disposto no artigo 47 e seguintes da Lei 40/2015, do 1 de outubro, de réxime xurídico do sector público, en relación co artigo 6 da Lei 9/2017, do 8 de novembro, de contratos do sector público.

Cando o convenio instrumente unha subvención deberá cumprir o previsto na Lei 38/2003, do 17 de novembro, Xeral de subvencións e na Lei 9/2007, do 13 de xuño, de subvencións de Galicia.

Segundo.- Á Consellería de Facenda e Administración Pública (CFAP) lle corresponden as competencias e funcións que en materia de facenda se establecen no Estatuto de autonomía, así como a coordinación en materia de contratación pública e de función pública, e as competencias en materia de avaliación e reforma administrativa, de conformidade coa lexislación vixente. En particular, lle corresponden as competencias que o Estatuto de autonomía lle atribúe á Comunidade Autónoma en materia de planificación e programación económica, en concreto a avaliación estratéxica e financeira dos plans elaborados no seo do sector público autonómico.

O Plan Estratéxico de Galicia 2022-2030, aprobado por Consello da Xunta do 10 de marzo de 2022, artéllase en torno a cinco eixes transversais, sendo o cuarto deles, cun importante contido social, a cohesión social e territorial: Galicia é un espazo continuo rural urbano, que debe manter certos equilibrios. Por iso, cómpre velar por un desenvolvemento equilibrado de todos os territorios da comunidade autónoma, velando polos que precisan axuda para achegarse aos estándares de benestar que garantan un nivel de vida aceptable a todos os galegos independentemente do lugar onde queiran fixar a súa residencia.

Os obxectivos do Plan Estratéxico perseguiranse en consonancia co obxectivo de promover o desenvolvemento sostible establecido no artigo 11 do Tratado de Funcionamento da Unión Europea (TFUE), nos Obxectivos de Desenvolvemento Sustentable das Nacións Unidas (Axenda 2030), o Acordo de París (2015), o Pacto Verde Europeo (2019) e o principio de «non causar un dano significativo» (en inglés “Do No Significant Harm” - DNSH), no marco do Mecanismo de Recuperación e Resiliencia.

A Axenda 2030 para o Desenvolvemento Sostible, asinada na ONU no ano 2015, representa o compromiso internacional para facer fronte aos retos sociais, económicos e medioambientais da globalización, poñendo no centro ás persoas, o planeta, a prosperidade e a paz. A Axenda define 17 obxectivos de desenvolvemento sostible (ODS), que cobren todas as políticas públicas domésticas, a acción exterior e a cooperación para o desenvolvemento, destacando entre eles os seguintes:

ODS 3 “Garantizar una vida sana y promover el bienestar en todas las edades”.

ODS 9 “Construir infraestructuras resilientes, promover la industrialización sostenible y fomentar la innovación”.

ODS 11 “Lograr que las ciudades sean más inclusivas, seguras, resilientes y sostenibles”.

ODS 13 "Adoptar medidas urgentes para combatir el cambio climático y sus efectos".

Consonte co disposto no artigo 6 do Decreto 113/2022, do 16 de xuño, polo que se establece a estrutura orgánica da Consellería de Facenda e Administración Pública, corresponde á Secretaría Xeral Técnica e do Patrimonio, a través da súa Vicesecretaría Xeral, o impulso, coordinación e tramitación das actuacións cun enfoque transversal financiadas a través da sección 23 dos orzamentos xerais da C.A. nas que estean implicados distintos centros directivos u organismos do sector público.

Terceiro.- A Consellería de Medio Ambiente, Territorio e Vivenda (CMATV) é o órgano da Administración da Comunidade Autónoma ao que lle corresponden as competencias e funcións en materia de ambiente, ordenación do territorio e urbanismo, conservación do patrimonio natural e vivenda, conforme o establecido no Estatuto de autonomía para Galicia.

No exercicio da competencia exclusiva establecida no artigo 27.3 do Estatuto de Autonomía de Galicia, aprobouse a **Lei 1/2021, do 8 de xaneiro, de ordenación do territorio de Galicia**, que reflicte os criterios que xa se constatan en numerosas políticas europeas, expresadas, entre outros documentos, na Estratexia territorial europea, o Libro verde sobre a cohesión territorial, a Axenda territorial da Unión Europea 2020 e a Estratexia Europa 2020.

A nova Lei de ordenación do territorio, baseada nos principios de colaboración e cooperación interadministrativa, racionalidade e planificación, configura os instrumentos ordenadores que permiten obter un **marco territorial global e flexible**, no que se establecen as referencias básicas, as pautas espaciais para o desenvolvemento económico e social, os criterios e mecanismos que posibilitan a harmonización dos distintos elementos que conforman o territorio e a coordinación entre os distintos poderes e axentes económicos e sociais implicados.

Asemade, a lei explicita o tratamento integral do territorio, de xeito que, á vez que harmoniza todas as escalas espaciais da planificación, establece mecanismos de avaliación dos aspectos ambientais, territoriais, paisaxísticos, económicos e sociais, contribuíndo a unha maior eficiencia do feito planificador.

Aos efectos indicados, corresponde un papel de intervención fundamental á Consellería de Medio Ambiente, Territorio e Vivenda (CMATV), como órgano da Administración da Comunidade Autónoma ao que lle corresponden as competencias e funcións en materia de medio ambiente, ordenación do territorio e urbanismo, conservación do patrimonio natural e vivenda, conforme o establecido no Estatuto de autonomía para Galicia.

Dentro da Consellería correspóndelle á Dirección Xeral de Ordenación do Territorio e Urbanismo (DXOTU), de conformidade co artigo 13.1 do Decreto 42/2019, do 28 de marzo, polo que se establece a estrutura orgánica da Consellería e do Decreto

58/2022, do 15 de maio, polo que se establece a estrutura orgánica da Xunta de Galicia (DOG núm. 94 do 16 de maio), entre outras:

a) A materialización e posta en práctica da política territorial e de utilización racional do solo coa finalidade de favorecer o desenvolvemento equilibrado e sustentable do territorio; contribuír a elevar a calidade de vida e a cohesión social da poboación e protexer e potenciar o patrimonio natural e cultural, sen prexuízo das competencias atribuídas a outros órganos.

m) A realización de actuacións de mellora de contornas urbanas, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e o reequilibrio territorial.

Cuarto.- O Colexio Oficial de Arquitectos de Galicia (COAG), de acordo co disposto nos seus estatutos, aprobados por Decreto 105/2016, do 21 de xullo, ten entre os seus fins realizar as prestacións de interese xeral propias da Arquitectura e do Urbanismo que considere oportunas ou que lle encomenden os poderes públicos conforme á Lei.

Quinto.- A Fundación Rede de Innovación Arousa (RIA) é unha entidade privada de carácter cultural, sen ánimo de lucro e con proxección pública nacional e internacional, incluída no Rexistro de Fundacións de Interese Galego. Ten como obxecto xenérico e principal o fomento, a análise, debate, desenvolvemento, promoción, execución e difusión do desenvolvemento e protección das economías locais e dos valores arquitectónicos, urbanos, naturais e culturais do territorio galego, procurando conciliar e potenciar os esforzos de persoas e institucións públicas ou privadas relacionadas cos mesmos e, no seu caso, operar como instrumento de coordinación destas.

O equipo da Fundación RIA está formado por arquitectos e planificadores, e de forma habitual establece vínculos colaborativos con institucións públicas e privadas e profesionais de diferentes especialidades: desenvolvemento territorial e rural; planificación do territorio; arqueoloxía; historia; conservación medioambiental; agroecoloxía, economía ambiental e ciclo de vida; enxeñería civil; paisaxe; rehabilitación; bioloxía mariña, entre outros.

O padroado da Fundación RIA está composto por arquitectos de recoñecido prestixio con proxección internacional que conta con importantes recoñecementos pola súa contribución aos campos da arquitectura, o urbanismo, a rehabilitación do patrimonio e ás artes. A ampla experiencia e presente actividade en todo o mundo facilita o establecemento de colaboracións con institucións e expertos internacionais de diferentes campos.

A Fundación RIA colaborou para o desenvolvementos da súa actividade investigadora, de deseño e planificación, e de participación social e comunicación, con entidades públicas e privadas de diferentes ámbitos:

- Portos de Galicia, Consellería do Mar, Xunta de Galicia
- Axencia Galega de Calidade Alimentaria, Consellería do Medio Rural, Xunta de Galicia
- Axencia Galega de Desenvolvemento Rural, Consellería do Medio Rural, Xunta de Galicia
- Dirección Xeral de Ordenación do Territorio e Urbanismo, Consellería de Medio Ambiente, Territorio e Vivenda, Xunta de Galicia
- Dirección Xeral de Calidade Ambiental e Cambio Climático, Consellería de Medio Ambiente, Territorio e Vivenda, Xunta de Galicia
- Axencia Galega de Infraestruturas, Consellería de Infraestruturas e Mobilidade, Xunta de Galicia
- Concello de Ribeira
- Concello de Carballada de Avia
- Mancomunidade de municipios Barbanza Arousa
- Instituto de Investigacións Marinas, Consejo Superior de Investigaciones Científicas
- Fundación Banco Santander
- Architectural Association de Londres

A Fundación RIA ten establecidos protocolos de colaboración para desenvolver estudos e actividades conxuntas e para o intercambio de información e coñecemento con institucións relacionadas coa arquitectura e a ordenación do territorio:

- Escola Técnica Superior de Arquitectura da Universidade da Coruña
- Instituto de Estudos do Territorio, Consellería de Medio Ambiente, Territorio e Vivenda, Xunta de Galicia

A Fundación RIA desenvolve desde 2017 unha actividade investigadora de utilidade pública co obxectivo de aplicar os resultados en contextos reais a través de proxectos piloto, fomentar o vínculo entre institucións públicas e privadas e transferir o coñecemento xerado ao conxunto da sociedade.

A metodoloxía empregada baséase na análise da realidade a través da consulta de fontes estatísticas e cartográficas oficiais e de toma de datos in situ; a busca de consensos e implicación de grupos de interese e cidadanía a través de entrevistas, reunións e sesións participativas; e a comunicación dos resultados a través de actos públicos, medios dixitais e publicación.

A proxección internacional da Fundación RIA a través do seu padroado, favorece o establecemento de relación institucionais con entidades públicas e privadas de referencia nos ámbitos da investigación, a planificación e a ordenación do territorio e a comunicación pública.

Sexto.- A Xunta de Galicia, en liña e comprometida cos obxectivos fixados por directrices internacionais de desenvolvemento sostible como a Axenda 2030 de Desenvolvemento Sostible da ONU, o Pacto Verde Europeo da UE, ou a Axenda Urbana

Española, considera de utilidade pública promover unha investigación que, considerando a singularidade de condicións territoriais de Galicia, propoña criterios comúns para desenvolver no futuro documentos de planificación estratéxica adaptados ao contexto autonómico, que poidan ser utilizados polas distintas administracións públicas con competencias na ordenación e planificación do territorio ou con competencias que supoñan un impacto nas contornas urbanas e rurais.

Así mesmo a Xunta de Galicia considera que a Fundación RIA, co apoio e a colaboración do COAG, aporta valores engadidos que determinan a singularidade deste proxecto investigador, pola súa natureza sen ánimo de lucro e fins fundacionais recollidos nos seus estatutos; por aportar un amplo coñecemento do contexto galego e experiencia en campos diversos relacionados coa ordenación do territorio, economía ambiental, urbanismo, arquitectura e patrimonio; pola utilización de metodoloxías de análise, planificación estratéxica, participación e comunicación pública; pola proxección pública nacional e internacional da entidade e do seu padroado; pola capacidade de servir de nexo de unión e mediación entre entidades públicas e privadas; e pola vocación de poñer a disposición das administracións públicas e a sociedade a súa actividade investigadora.

Todos estes motivos acreditan o interese público do proxecto de investigación subvencionado e poñen de manifesto a imposibilidade de promover dunha convocatoria pública de axudas con este mesmo obxecto, de acordo co indicado nos artigos 19.4.c) e 26.2.a) da Lei 9/2007, do 13 de xuño, de subvencións de Galicia.

Polo exposto, as partes asinantes formalizan o presente convenio de colaboración, que recolle as seguintes

CLÁUSULAS

Primeira.- Obxecto

Este convenio ten por obxecto establecer o marco da colaboración entre as entidades asinantes para o desenvolvemento dunha investigación pola Fundación RIA, coa colaboración do COAG, sobre as condicións actuais das iniciativas públicas en Galicia en materia de planificación, conservación e ordenación territorial nos ámbitos urbano e rural, co obxectivo de realizar propostas de futuro para unha planificación sostible en Galicia.

En concreto, comprende as seguintes actuacións:

- a) Identificación e definición das áreas temáticas relevantes no desenvolvemento urbano e rural en Galicia relacionadas con directrices internacionais de sostibilidade.

- b) Identificación, descrición e análise de funcións e relacións de gobernanza entre administracións públicas competentes na ordenación e planificación do territorio ou con impacto nas contornas urbanas e rurais.
- c) Coordinación do asesoramento por parte dun grupo de expertos a nivel nacional e internacional relacionados coas áreas temáticas identificadas.
- d) Compilación e análise de plans, estratexias e outras accións existentes relacionadas coas áreas temáticas, impulsadas polas administracións autonómicas, provinciais e locais de Galicia.
- e) Comparativa dos documentos analizados e elaboración dun documento de síntese unificado como descrición do estado actual da planificación para abordar os retos dos asentamentos poboacionais de Galicia
- f) Elaboración dun documento de conclusións, coa proposta de directrices e criterios uniformes para o posterior desenvolvemento de documentos estratéxicos de ordenación e planificación sostible adaptados ao contexto territorial galego.
- g) Comunicación dos resultados.

Segunda.- Compromisos das partes

1. A Consellería de Facenda e Administración Pública comprométese a:

- Designar dúas persoas, en representación da devandita consellería, que actúen como interlocutores nas actividades obxecto deste convenio e desenvolvan as seguintes funcións:
 - Coordinar os diferentes departamentos e entidades da Administración autonómica involucrados nas temáticas abordadas pola actividade subvencionada.
 - Achegar a información que se requira e coordinar a achega de información por parte das diferentes consellerías e entidades.
- Ceder gratuitamente os espazos necesarios para o desenvolvemento das xuntanzas previstas relacionadas coa temática da Axenda, así como para os actos de comunicación da mesma.

Así, prevese a cesión das instalacións da Escola Galega de Administración Pública (EGAP), reguladas pola Orde do 3 de maio de 2010 pola que se regulan os prezos privados aplicables pola cesión temporal de instalacións e prestación de actividades formativas por parte da EGAP (DOG nº 89, do 12 maio 2010).
- Colaborar no financiamento das accións previstas nos termos establecidos na cláusula terceira.

2. A Consellería de Medio Ambiente, Territorio e Vivenda comprométese a:

- Designar dúas persoas, en representación da devandita consellería, que actúen como interlocutores nas actividades obxecto deste convenio e desenvolvan as seguintes funcións:
 - Coordinar os diferentes departamentos e entidades desta consellería involucrados nas temáticas abordadas pola actividade subvencionada.
 - Achegar a información que se requira e coordinar a achega de información por parte dos departamentos e entidades da propia consellería.
 - En concreto, a DXOTU facilitará o acceso a toda a información territorial e urbanística que conste nos arquivos e na diferentes aplicacións empregadas polo persoal técnico da administración autonómica.
 - Colaborar no financiamento das accións previstas nos termos establecidos na cláusula terceira.
3. O Colexio Oficial de Arquitectos de Galicia comprométese a:
- Designar a unha persoa en representación do COAG que actúe como interlocutor nas actividades obxecto deste convenio.
 - Facilitar e coordinar, na medida do posible, a achega de información de utilidade relativa ás diferentes áreas temáticas da investigación, que estean a disposición ou baixo a responsabilidade do COAG.
 - Con respecto ao desenvolvemento de todas as actuacións obxecto deste convenio, revisar documentos de traballo, proporcionar asesoramento e elaborar recomendacións nas distintas fases da investigación.
 - Facilitar toda a información que lle sexa requirida polos órganos xestores, así como pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de fiscalización e control.
 - Presentar unha declaración responsable de que non concorren, no que lle atinxe, as circunstancias previstas no artigo 10 da Lei 9/2007, do 13 de xuño, de subvencións de Galicia, que imposibilitan para obter a condición de beneficiario dunha subvención pública.
 - Actuar con suxeición ás obrigas sinaladas para os/as beneficiarios/as de subvencións ou axudas públicas do artigo 11 da citada Lei 9/2007.
 - Facer constar, en todo tipo de publicidade e información que se realice en desenvolvemento deste programa, a condición de entidade subvencionada pola Xunta de Galicia, así como o seus correspondentes logotipos.
 - Facilitar a actuación do persoal técnico das consellerías implicadas no referente ao seguimento das actividades obxecto da axuda.
 - Subministrar á Consellería de Facenda e Administración Pública, en virtude do disposto no artigo 4 da Lei 1/2016, do 18 de xaneiro, de transparencia e bo goberno, previo requirimento, toda a información necesaria para o cumprimento pola Xunta de Galicia das obrigas previstas no título I da citada Lei.

4. A Fundación Rede de Innovación Arousa (RIA) comprométese a:

- Realizar a investigación sobre as condicións actuais das iniciativas públicas en Galicia en materia de planificación, conservación e ordenación territorial e propostas de futuro para unha ordenación e planificación mais sostible en Galicia, de acordo, como mínimo, co proxecto recollido no Anexo I deste convenio.
- Facilitar toda a información que lle sexa requirida polos órganos xestores, así como pola Intervención Xeral da Comunidade Autónoma, o Consello de Contas e o Tribunal de Contas no exercicio das súas funcións de fiscalización e control.
- Presentar unha declaración responsable de que non concorren, no que lle atinxe, as circunstancias previstas no artigo 10 da Lei 9/2007, do 13 de xuño, de subvencións de Galicia, que imposibilitan para obter a condición de beneficiario dunha subvención pública.
- Actuar con suxeición ás obrigas sinaladas para os/as beneficiarios/as de subvencións ou axudas públicas do artigo 11 da citada Lei 9/2007.
- Facer constar, en todo tipo de publicidade e información que se realice en desenvolvemento deste programa, a condición de entidade subvencionada pola Xunta de Galicia, así como o seus correspondentes logotipos.
- Facilitar a actuación do persoal técnico das consellerías implicadas no referente ao seguimento das actividades obxecto da axuda.
- Subministrar á Consellería de Facenda e Administración Pública, en virtude do disposto no artigo 4 da Lei 1/2016, do 18 de xaneiro, de transparencia e bo goberno, previo requirimento, toda a información necesaria para o cumprimento pola Xunta de Galicia das obrigas previstas no título I da citada Lei.

Cuarta.- Orzamento das actividades a desenvolver

O orzamento máximo de todas as actividades que se prevén desenvolver ao abeiro deste convenio ascende a 146.900 €, tal como se xustifica na memoria económica, distribuíndose a achega prevista entre a Fundación RIA (142.400 €) e o COAG (4.500 €), sen que a cesión gratuíta das aulas da EGAP implique transferencia ningunha.

A Consellería de Facenda e Administración Pública achegará, como máximo, un total de 73.450 €, con cargo á aplicación orzamentaria 23.01.621A.481.0 dos seus orzamentos para o ano 2022.

A Consellería de Medio Ambiente, Territorio e Vivenda achegará, como máximo, un total de 73.450 €, con cargo á aplicación orzamentaria 08.04.521A.481.0 dos seus orzamentos para o ano 2022.

Dita achega cubrirá unicamente o custo da realización da actividade subvencionada, minorándose proporcionalmente no suposto de que a xustificación dos gastos, realizada consonte o disposto na cláusula quinta deste convenio, sexa inferior.

Os gastos subvencionables, que poderán abranguer o período comprendido entre o 01.07.2022 e o 22.12.2022, e os custos totais estimados para a realización do deseño da Axenda obxecto do presente convenio son os seguintes:

Concepto	Importe gastos Fundación	Importe gastos COAG	Totais
Persoal	70.400 €	4.000 €	74.400 €
Asesoramento externo (subcontratacións)	20.000 €		20.000 €
Gastos de desprazamento e manutención	6.000 €	500 €	6.500 €
Comité de expertos	36.000 €		36.000 €
Outros (edición dixital, impresión, software, equipos informáticos, material funxible e equipamento)	10.000 €		10.000 €
Aluguer espazos			
Total orzamento	142.400 €	4.500 €	146.900 €

A contía da indemnización por uso de vehículo propio ou da empresa fíxase en 0,19 € por quilómetro percorrido.

Os gastos das viaxes realizados por outros medios, aloxamento e manutención xustificaranse mediante facturas, cos seguintes límites:

Aloxamento 65,97 €

Manutención 37,40 €

Quinta.- Pagamento e xustificación

Realizaranse pagamentos a conta, por un importe que non poderá exceder, xunto cos anticipos, do 80% da porcentaxe subvencionada correspondente aos pagamentos xustificadas, unha vez xustificada a realización das distintas actuacións realizadas, mediante a entrega da documentación sinalada no Anexo I, e logo da presentación da seguinte documentación xustificativa:

- Certificación acreditativa dos gastos realizados, expedida pola persoa representante da Fundación RIA e do COAG respectivamente, na que se indicará de forma expresa que para a súa execución se destinaron os fondos achegados pola Xunta de Galicia a través deste convenio.
- Documentos xustificativos dos gastos, tales como facturas e demais documentos de valor probatorio equivalente con validez no tráfico xurídico mercantil ou con eficacia administrativa. Para os efectos da súa consideración como

subvencionable, considerárase efectivamente pagado o gasto cando se xustifique o pagamento mediante transferencia bancaria, certificación bancaria ou extracto bancario de pagamento.

- Declaración de que se atopa ao corrente nas súas obrigas tributarias estatais e autonómicas, e de Seguridade Social, así como que non ten débedas pendentes coa Comunidade Autónoma.
- Documentación xustificativa da solicitude de tres ofertas nos gastos que sexan subcontratados por importe superior a 15.000 euros (IVE engadido).

Co fin de facilitar a posta en marcha das actuacións incluídas neste convenio, realizarase un pagamento anticipado dun 18% á sinatura do mesmo.

No que atinxe ao pagamento final, deberánse presentar os documentos finais que acrediten que o proxecto de investigación e a súa difusión se levaron a cabo, e ademais, a seguinte documentación:

1. Unha memoria de actuación xustificativa do cumprimento das condicións impostas na concesión da subvención, con indicación das actividades realizadas e dos resultados obtidos.

2. Unha memoria económica xustificativa do custo das actividades realizadas, que conterá:

a) Unha relación clasificada dos gastos e investimentos da actividade, con identificación do acredor y do documento, o seu importe, data de emisión e, no seu caso, data de pago, así como as desviacións producidas, de ser o caso, respecto do orzamento inicialmente previsto.

b) As facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior e a documentación acreditativa do pago.

Consonte co establecido no artigo 27 da Lei 39/2015 en relación co artigo 49 do Decreto 11/2009, as facturas ou documentos de valor probatorio equivalente achegaranse ao procedemento, no caso de non estar en formato electrónico, mediante copia auténtica electrónica do documento en papel ou noutro soporte non electrónico susceptible de dixitalización

c) Unha declaración de que non se percibiron outros ingresos ou subvencións que financiasen a actividade subvencionada.

d) De ser o caso, os tres orzamentos que, en aplicación do artigo 29.3º da Lei de subvencións de Galicia, deba ter solicitado o beneficiario.

Finalmente, e con anterioridade a facerse efectivo o pagamento tal como establece o artigo 60.4 do Decreto 11/2009, do 8 de xaneiro, polo que se aproba o Regulamento

da Lei 9/2007, do 13 de xuño, de subvencións de Galicia deberán acreditar ambos beneficiarios que están ao corrente no cumprimento das obrigas tributarias ou fronte á Seguridade Social e de non ter pendente de pago algunha outra débeda coa Administración pública da comunidade autónoma nos termos previstos nos artigos 10 e 11 do citado Decreto 11/2009.

Consonte co disposto no artigo 65.4.f) e i) do Decreto 11/2009, do 8 de xaneiro, os pagamentos a conta e anticipados están exentos da constitución de garantía.

Considérase admisible que se traspasen cantidades dun a doutro concepto dos orzamentados na cláusula cuarta, sempre que a modificación non represente máis dun 20% do custo estimado que figura no convenio e non se supere o importe total da achega.

A documentación requirida na fase xustificativa presentarase electronicamente, dirixida a ambas consellerías, na Carpeta do cidadán da persoa solicitante/representante: <https://sede.xunta.es/carpeta-do-cidadan>. Os pagamentos serán tramitados por cada unha das consellerías implicadas, polo importe máximo previsto para cada unha delas.

A falta de presentación da xustificación no prazo establecido levará consigo a perda do dereito ao cobro total ou parcial da subvención, a esixencia de reintegro e as demais responsabilidades establecidas na Lei 9/2007, do 13 de xuño.

Sexta.- Resultados da actividade a desenvolver

A Fundación Ría e o COAG se comprometen a permitir o uso gratuíto dos resultados do proxecto de investigación subvencionado para o desenvolvemento de proxectos, plans e actuacións, incluíndo novos proxectos de investigación sobre a materia. Estes resultados xustificaranse a través da entrega, por parte da Fundación Rede de Innovación Arousa e do COAG, da seguinte documentación:

O Colexio Oficial de Arquitectos de Galicia:

Con respecto ao desenvolvemento de todas as actuacións obxecto deste convenio, revisar documentos de traballo, proporcionar asesoramento e elaborar recomendacións nas distintas fases da investigación, fará entrega das actas das reunións de traballo realizadas e dos informes de recomendacións correspondentes a cada unha das fases da investigación.

A Fundación Rede de Innovación Arousa (RIA):

- Con respecto á identificación e definición das áreas temáticas relevantes no desenvolvemento urbano e rural en Galicia relacionadas con directrices internacionais de sostibilidade, fará entrega de:
 - Documento preliminar de áreas temáticas da investigación adaptadas ao contexto galego.

- Actas das sesións de traballo e informes das recomendacións do grupo de expertos.
- Con respecto á identificación, descrición e análise de funcións e relacións de gobernanza entre administracións públicas competentes na ordenación e planificación do territorio ou con impacto nas contornas urbanas e rurais, fará entrega de:
 - Informe descritivo do organigrama e funcións dos diferentes niveis da administración pública en Galicia.
- Con respecto á coordinación do asesoramento por parte dun grupo de expertos a nivel nacional e internacional relacionados coas áreas temáticas identificadas, fará entrega de:
 - Actas das reunións e sesións de traballo e informes das recomendacións aportadas polo grupo de expertos.
- Con respecto á compilación e análise de plans, estratexias e outras accións existentes relacionadas coas áreas temáticas, impulsadas polas administracións autonómicas, provinciais e locais de Galicia, fará entrega de:
 - Actas das xuntanzas mantidas.
 - Listado dos plans achegados polas distintas administracións.
 - Informes resumo dos plans analizados
- Con respecto á comparativa dos documentos analizados e elaboración dun documento de síntese unificado como descrición do estado actual da planificación para abordar os retos dos asentamentos poboacionais de Galicia, fará entrega de:
 - Documento de síntese preliminar sobre o estado actual dos plans achegados polas administracións relativos ás áreas temáticas da investigación.
- Con respecto á elaboración de directrices e criterios uniformes para o desenvolvemento de documentos estratéxicos de ordenación e planificación sostible adaptados ao contexto territorial galego, fará entrega de:
 - Documento síntese consolidado como conclusión da investigación
- Con respecto á comunicación dos resultados, fará entrega de:
 - Actas de reunións de seguimento para a elaboración de documentos divulgativos e accións de comunicación.

Estas entregas, ao igual que a xustificación dos gastos á que se refire a cláusula quinta do presente convenio, axustaranse, na medida do posible, aos prazos establecidos no cronograma orientativo que se incorpora como Anexo II, tendo como data límite a do 22 de decembro de 2022.

Sétima.- Incompatibilidades

Esta axuda é incompatible con outras subvencións para a mesma finalidade, procedentes de calquera outra administración ou de entes públicos ou privados, nacionais, da Unión Europea ou de organismos internacionais.

Oitava.- Incumprimento

O incumprimento das obrigas contidas neste convenio ou na normativa aplicable dará lugar a perda do dereito, total ou parcial, ao cobramento da axuda, ou ben ao reintegro das cantidades percibidas, así como os intereses de demora correspondentes.

Para estes efectos, considerarase que existe un incumprimento total se este acada ao 80% dos gastos subvencionables, sendo parcial no resto dos casos.

Este procedemento tramitarase consonte ao establecido no Título II da Lei 9/2007 e no Título V do Decreto 11/2009.

Novena.- Seguimento

Para a interpretación de cantas dúbidas xurdan na aplicación do convenio, créase unha comisión mixta que estará integrada por un representante de cada unha das partes asinantes deste convenio.

Esta comisión actuará segundo o previsto no capítulo II do título preliminar da Lei 40/2015, do 1 de outubro, de réxime xurídico do sector público.

Porén, o presente convenio ten natureza administrativa e as discrepancias que xurdan pola súa aplicación, especialmente as suscitadas en relación co cumprimento, xustificación e pagamento, incluída de ser o caso a eventual procedencia do reintegro, serán resoltas, logo de informe ou proposta da comisión de seguimento, pola Consellería de Facenda e Administración Pública, quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.

Décima.- Prazo de vixencia

O presente convenio entrará en vigor o día da súa sinatura por todas as partes implicadas, e terá vixencia ata o 31 de decembro de 2022.

Décimo primeira.- Publicidade

Este convenio será obxecto de publicación de acordo co previsto na Lei 1/2016, de 18 de xaneiro, de transparencia e bo goberno da Administración pública galega.

As partes asinantes do convenio manifestan o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados no Portal da Transparencia e Goberno Aberto.

Así mesmo, as partes consinten na remisión do convenio, logo da súa sinatura, ao Rexistro de Convenios da Xunta de Galicia.

En aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, de acordo co indicado na

actual redacción do artigo 20 da Lei 38/2003, de 17 de novembro, xeral de subvencións e segundo o disposto nos artigos 3.1. b) e 15 da Lei 1/2016, do 18 de xaneiro, de transparencia e bo goberno, a información correspondente ao presente convenio publicarase na Base de Datos Nacional de Subvencións.

Décimo segunda.- Responsabilidade das actuacións

O asinamento deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa nin subsidiaria, polos actos ou feitos acaecidos no desenvolvemento do convenio.

Décimo terceira.- Resolución

Resultarán de aplicación, a este respecto, os artigos 51 e 52 da Lei 40/2015, do 1 de outubro, de réxime xurídico do sector público así como, de ser o caso, a declaración da perda do dereito ao cobramento da axuda ou reintegro do importe que corresponda, consonte co previsto no Título II da Lei 9/2007, do 13 de xuño, e no Título V do Decreto 11/2009, do 8 de xaneiro.

Ao estaren as partes conformes co pactado, asinan este convenio.

Pola Consellería de Facenda e
Administración Pública

Pola Consellería de Medio
Ambiente, Territorio e Vivenda

Miguel Corgos López Prado

Ángeles Vázquez Mejuto

Polo Colexio Oficial de
Arquitectos de Galicia

Pola Fundación Rede
de Innovación Arousa(RIA)

Elena Ampudia Aixendri

David Alan Chipperfield

ANEXO I

PROXECTO DE INVESTIGACIÓN IMPULSADO POLA FUNDACIÓN RIA COA COLABORACIÓN DO COAG SOBRE AS CONDICIÓNS ACTUAIS DAS INICIATIVAS PÚBLICAS EN GALICIA EN MATERIA DE PLANIFICACIÓN, CONSERVACIÓN E ORDENACIÓN TERRITORIAL E PROPOSTAS DE FUTURO PARA UNHA ORDENACIÓN E PLANIFICACIÓN SOSTIBLE EN GALICIA

O proxecto de investigación beneficiado pola subvención contemplada neste convenio, a realizar pola Fundación RIA, coa colaboración do COAG así como dun grupo de expertos a nivel nacional e internacional de recoñecido prestixio en materias relacionadas coas áreas temáticas da investigación para a revisión dos seus contidos e axuste destes aos estándares nacionais e internacionais, estrutúrase nas seguintes fases:

FASE 1: ÁREAS TEMÁTICAS RELEVANTES NO DESENVOLVEMENTO URBANO E RURAL DE GALICIA

Obxecto: Identificación e definición das áreas temáticas relevantes no desenvolvemento urbano e rural en Galicia relacionadas con directrices internacionais de sostibilidade.

Resultado previsto: Documento preliminar de áreas temáticas da investigación adaptadas ao contexto galego.

FASE 2: GOBERNANZA NA ORDENACIÓN E PLANIFICACIÓN DO TERRITORIO OU CON IMPACTO NAS CONTORNAS URBANAS E RURAIS DE GALICIA

Obxecto: Identificación, descrición e análise de funcións e relacións de gobernanza entre administracións públicas competentes na ordenación e planificación do territorio ou con impacto nas contornas urbanas e rurais.

Resultado previsto: Documento no que:

- Se identifiquen e describan os organigramas e as funcións dos diferentes niveis da administración pública en Galicia.

- Se identifiquen ás diferentes administracións que estean relacionadas coas áreas temáticas da investigación.
- Se describan as relacións de gobernanza entre as distintas administracións públicas competentes na ordenación e planificación do territorio ou con impacto nas contornas urbanas e rurais.

FASE 3: COORDINACIÓN DO ASESORAMENTO POR PARTE DUN GRUPO DE EXPERTOS A NIVEL NACIONAL E INTERNACIONAL RELACIONADOS COAS ÁREAS TEMÁTICAS IDENTIFICADAS

Obxecto: Designar un grupo de expertos, elaborar documentos base para a súa revisión en cada fase, organizar reunións individuais e sesións de traballo e requirirllas a elaboración de informes de recomendacións para incorporar aos resultados da investigación.

Resultado previsto: Informes das recomendacións aportadas polo grupo de expertos correspondentes a cada unha das sesións de traballo.

FASE 4: ANÁLISE DE PLANS, ESTRATEXIAS E OUTRAS ACCIÓNS EXISTENTES IMPULSADAS POLAS ADMINISTRACIÓNS AUTONÓMICA, PROVINCIAIS E LOCAIS DE GALICIA

Obxecto: Compilación e análise de plans, estratexias e outras accións existentes relacionadas coas áreas temáticas, impulsadas polas administracións autonómicas, provinciais e locais de Galicia.

Resultado previsto: Elaboración de documentos de análise de cada plan.

FASE 5: COMPARATIVA DOS DOCUMENTOS ANALIZADOS E ELABORACIÓN DUN DOCUMENTO DE SÍNTESE UNIFICADO COMO DESCRICIÓN DO ESTADO ACTUAL DA PLANIFICACIÓN PARA ABORDAR OS RETOS DOS ASENTAMENTOS POBOACIONAIS DE GALICIA

Obxecto: Comparativa dos documentos analizados e elaboración dun documento de síntese unificado como descrición do estado actual da

planificación para abordar os retos dos asentamentos poboacionais de Galicia.

Resultado previsto: Documento de síntese unificado como descrición do estado actual da planificación para abordar os retos dos asentamentos poboacionais de Galicia.

FASE 6: CONCLUSIÓNS FINAIS

Obxecto: Proposta de directrices e criterios uniformes para o posterior desenvolvemento de documentos estratéxicos de ordenación e planificación sostible adaptados ao contexto territorial galego.

Resultado previsto: Elaboración dun documento síntese consolidado como conclusión da investigación, no que se incorporen ademais as conclusións e recomendacións de expertos a nivel nacional e internacional relacionados coas áreas temáticas relevantes no desenvolvemento urbano e rural de Galicia.

FASE 7: DIFUSIÓN DOS RESULTADOS DA INVESTIGACIÓN

Obxecto: Comunicación e difusión dos resultados da investigación para o seu coñecemento en Galicia polas distintas administracións públicas e pola sociedade civil galega.

Resultado previsto:

- Editar un documento divulgativo que recolla os resultados e conclusións da investigación en formato físico ou dixital, adaptándose neste último caso para a súa visualización web.
- Organización dun acto de comunicación pública, coa participación de representantes das partes asinantes do convenio e do grupo de expertos, no que se presenten os contidos e conclusións da investigación.

ANEXO II

PROXECTO DE INVESTIGACIÓN IMPULSADO POLA FUNDACIÓN RIA COA COLABORACIÓN DO COAG SOBRE AS CONDICIÓNIS ACTUAIS DAS INICIATIVAS PÚBLICAS EN GALICIA EN MATERIA DE PLANIFICACIÓN, CONSERVACIÓN E ORDENACIÓN TERRITORIAL E PROPOSTAS DE FUTURO PARA UNHA ORDENACIÓN E PLANIFICACIÓN SOSTIBLE EN GALICIA

Cronograma orientativo

A investigación desenvolverase ao longo dun período de 6 meses, entre xullo e decembro de 2022. Estrutúrase arredor de 7 actuacións secuenciais, con posibilidade de solapamento. A actuación número 3, consistente na preparación de documentos base e coordinación do asesoramento por parte do comité de expertos, é transversal a tódalas fases.

	2022														
	Julio			Agosto			Setembro			Outubro		Novembro		Decembro	
Actuación 1. Identificación de áreas temáticas	█	█	█												
Actuación 2. Identificación gobernanza				█	█	█	█	█							
Actuación 3. Asesoramento de expertos															
Actuación 4. Compilación e análise de plans															
Actuación 5. Comparación e síntese de documentos															
Actuación 6. Elaboración de directrices e criterios															
Actuación 7. Comunicación dos resultados															

